

## Kiaulės metā

Pakol kas dar nieks nemata,  
Kon mums dous tēi kiaulės metā.  
Lēisuos kiaulės nier kor dietē,  
Rēks par laika nupenietē.

Žmuonis žēna – vēskas baikas.  
Tuoki mada – dietas laikuos.  
Jego kartās sostuoriesi,  
Pasēaiškintē toriesi.

– Tau bapēgu – daug oždērbī.  
Diel litelē to nevērpi.  
Gerā valgā – nesi kūda –  
Tori dietē kon i bliūda.

Vo nežēnā, ka nu plotas  
Ē bolvīnēs pēlvs potas.  
Daug žmuonieliu, pagalvuojus,  
Senē dešruos smuokavuojē.

– Kiaulē kiaulē, parēibiek –  
Kelis litus mums pridiek!  
Apkīriejē potra lēisa,  
Nuorēs mēsuos – tēkra tēisa.

Kēik tik nuori, tēik ē jiesk,  
Tik kiaulīstēs neēškriesk.  
– Kiaulē, ožteks tau mēiguotē –  
Laigo metā būs baguotē.